

【三有】（科註第七〇一頁第一行）

《三藏法數》：「出菩薩善戒經并大智度論」

三有者，謂欲界、色界、無色界六道眾生，各隨所作善惡之業，即感善惡之報。因果不亡，故名為有。

一欲有，謂欲界天、人、修羅、畜生、餓鬼、地獄，各各隨其業因而受果報，故名欲有。

二色有，謂色界四禪諸天，由昔脩習有漏禪定，報生此天，雖離欲界羸染^{チヌ}之身，而有清淨之色，故名色有。

三無色有，謂無色界四空諸天，由昔修習有漏禪定，報生此天，雖無色質（物質）為礙，而亦隨其所作之因，受其果報，故名無色有。

【離二邊】（科註第七〇一頁第三行）

《佛學大辭典》「有無二邊」：（術語）

執有之邊際，執無之邊際，皆為邪見，故云邊見。

肇論曰：「有無之境，邊見所存，豈是處中莫二之道乎？」

【超四句】（科註第七〇一頁第三行）

《三藏法數》「四句——有無四句」：「出華嚴經疏」

「一、有句」，謂外道或計：我與五蘊之身皆有，是名有句，即著常見。

「二、無句」，謂外道或計：我與五蘊之身皆無，是名無句，即著斷見。

〔三、亦有亦無句〕，謂外道欲離上二過，故計：我與五蘊亦有、亦無，即墮有無相違之見。

〔四、非有非無句〕，謂外道欲避上有無相違，立俱非句，故計我與五蘊非有非無，則又成戲論之見。（戲論：無義之言論。）

○「四句——常等四句」：〔出華嚴經疏〕

〔一、常句〕，謂外道計過去世之我，即是今世之我，相續不斷，執之為常，即墮常見。是名常句。

〔二、無常句〕，謂外道計我今世始生，不從過去之因，執為無常，即墮斷見。是名無常句。

〔三、亦常亦無常句〕，謂外道見上二執皆有過失，便計我是常，身是無常；若爾，離身則無有我，此亦成過。是名亦常亦無常句。

〔四、非常非無常句〕，謂外道計身有異故非常，我不異故非無常；若爾，離身亦無有我，此亦成過。是名非常非無常句。